

Ingerlatitsinerit nakkutigisaasunut akigititanik aalajangersaanernut uppernarsaatit pillugit Namminersorlutik Oqartussat nalunaarutaat nr. 43, 25. november 2020-meersoq

Akileraaruserinermik ingerlatsineq pillugu Inatsisartut inatsisaat nr. 11, 2. november 2006-imeersumi, Inatsisartut inatsisaanni nr. 22, 28. november 2018-imeersumi allangortinneqartumi § 36 b, imm. 2 naapertorlugu aalajangersarneqarput:

§ 1. Nalunaarummi pineqarput akileraartussaataitasut, isertitanik akileraaruserneqartussaataitasunik imaluunniit agguaanneqartussaataitasunik naatsorsuinerimi suleqataasunut attuumassuteqartunut niuernikkut imaluunniit aningaasaqarnikkut ingerlatitsinernut akigititanik atugassarititaasunillu atuisussaapput (ingerlatitsinerit nakkutigisaasut), ingerlatitsinerit illuatungeriit imminnut attuumassuteqanngitsut akornanni naammassineqarsimasuuppata anguneqarsinnaasussanut naapertuuttunik, takuuk aningaasarsianit akileraarutit pillugit Inatsisartut inatsisaat § 36 a, imm. 1, aammalu ingerlatitsinernut nakkutigisaasunut taakkununga akigititat atugassarititaasullu qanoq aalajangersarneqarsimanerannut allaganngorlugu uppernarsaatinik suliaqartussaallutik uninngasuuteqartussaallutillu, takuuk aningaasarsianit akileraarutit pillugit Inatsisartut inatsisaat § 36 b, imm. 2.

Imm. 2. Aningaasarsianit akileraarutit pillugit Inatsisartut inatsisaat § 36 b, imm. 4-imi allassimavoq, akileraartussaataitasut annertussusissanut killissaliussat ataanniittut, ingerlatitsinernut nakkutigisaasunut aalajangersimasunut uppernarsaatinik taamaallaat suliaqassasut.

§ 2. Uppernarsaat marlunnik immikkoortoqartoq, suliffissuaq tamakkerlugu ataatsimoortumik uppernarsaat aammalu suliffissuarmi akileraartussaataitasunut tamaginnut immikkut uppernarsaat nunamut tunngasoq, nassuiaatinik misissueqqissaarnernillu il.il ataatsimoortumik uppernarsaat pillugu § 4-imi nassuiarneqartunik aammalu uppernarsaat nunamut tunngasoq pillugu § 5-imi nassuiarneqartunik, imaqassaaq aammalu akigititat atugassarititaasullu ingerlatitsinerit illuatungeriit imminnut attuumassuteqanngitsut akornanni naammassineqarsimasuuppata anguneqarsinnaasussanut naapertuuttumik aalajangersarneqarsimanersut nalilersuinermut tunngavissaliisinnaassallutik.

Imm. 2. Nassuiaanerit, misissueqqissaarnerit il.il. §§ 4-imi aamma 5-imi taaneqartut annertussusaannut, suliffissuup, akileraartussaataitasup aammalu ingerlatitsinerit nakkutigisaasut taakkua annertussusaat pisariussusaallu apeqqutaassaaq.

Imm. 3. Uppernarsaat kalaallisut, danskisut, norskisut, svenskisut imaluunniit tuluttut suliarineqarsinnaavoq.

Imm. 4. Uppernarsaat piumasarineqarnerani akileraartarnermut ingerlatsivimmut ullut 60-it qaangiutsinnagit nassiunneqassaaq.

§ 3. Ingerlatitsinernut nakkutigisaasunut pingaaruteqanngitsunut § 5 naapertorlugu nassuiaanernut misissueqqissaarnernullu tunngatillugu, ingerlatitsinerit, akileraartussaataasup pingaaruteqanngitsutut naliliiffigisai, taamaallaat allanneqassapput.

Imm. 2. Ingerlatitsinerit aningaasaqarnikkut annikitsuinnarmik annertussusillit ataasiaannarluni pisut pineqarpata, ingerlatitsinerit § 5-ip ataaniittut pingaaruteqanngitsutut isigineqassapput.

§ 4. Ataatsimoortumik uppernarsaat suliffissuarmut diagrammimik imaqassaaq, suliffissuup inatsisitigut aaqqissuussaannikkullu ilusaanik takutitsisumik, ilanngullugit nunap suleqataasut attuumassuteqartut ataasiakkaat suliaqarfigisai allallugit.

Imm. 2. Ataatsimoortumik uppernarsaat suliffissuup ingerlatsinermini suliaannik ataatsimut isigalugu nassuiaammik imaqassaaq, ilanngullugit makkua:

1) Suliffissuarmi tunngavigisat annertuumik aningaasarsiorfiusut (*drivers of business profit*).

2) Tunisassianut aamma/imaluunniit sullissinernut tallimanut annerpaanut kaaviiartitanut uuttukkamik suliffissuup pilersuiffiitut (*supply chain*) kiisalu tunisassianut aamma/imaluunniit sullissinernut tamaginnut, suliffissuup patajaallisakkamik kaaviiartitaasa 5 procentianit annertunerusunut nassuiaat. Nassuiaat diagrammimi takussutissiarineqarsinnaavoq.

3) Suliffissuarmi suleqatigiit imminnut atassuteqartut akornanni sullissinissamut isumaqatigiissutinik annertuumik naatsumik nassuiaalluni allattukkat, tassani ilaanatik ilisimatusarnermut ineriartortitsinermullu sullissinissamut isumaqatigiissutit, kiisalu sullissinernut annertuumut, suliffissuarmi sullissiviit qullersaqarfiini isumagineqartunut imaluunniit isumagineqarsinnaasunut aammalu sullissinermut aningaasartuutitik atugassiinermut nuussinermut akinik aalajangersaasarnermut politikkinut atorpeqartunut aammalu suliffissuup iluani sullissinernut akiliinernut akigititanik aalajangersaanermut, nassuiaatit.

4) Nunami sumiiffimmi tunisassianut sullissinernullu kaaviiartitani uuttorlugu niuerfiit annersaannut nassuiaat, takuuk nr. 2.

5) Atuuuffinnut misissueqqissaarneq naatsoq, suliffissuarmi ataatsimoortumik aningaasarsiorfitsinermut pingaarnertut iluaqutaasunik nassuiaavioq, suliffissuarmi suleqatigiit imminnut attuumassuteqartut ataasiakkaat sorliit, atuuuffinnut annertuumut, annaasaqarsinnaanernut kiisalu pigisanut nalilinnut tunngatillugu tamatumunnga iluaqutaanersut pillugu paasissutissartaqartoq.

6) Annertuumik aaqqissuussaannikkut allannortiterinernut, pisinernut tunisinernullu ukiup isertitaqarfiusup ingerlanerani pisunut nassuiaat.

Imm. 3. Suliffissuup pigisaannut tigussaangitsunut (OECD-p Transfer Pricing Guidelinesiani kapitel VI-imi nassuiarneqartut) ataatsimoortumik uppernarsaat makkuninnga imaqassaaq:

1) Suliffissuup pigisanik tigussaangitsunik ineriartortitsinermut, piginnittuumermut aammalu atuinermut pingaarnertigut periusissiaannik ataatsimut isigalugu nassuiaaneq, ilanngullugit suliffissuup pingaarnertigut ilisimatusarnikkut ineriartortitsinikkullu atortuisa nunami

sumiiffimmi inissisimanerat kiisalu ingerlatat taakkua suminngaaniit aqunneqarnersut allallugu.

2) Suliffissuarmi pigisat tigussaangitsut imaluunniit pigisat tigussaangitsut ataatsimoortukkaat, suleqatigiit imminnut attuumassuteqartut akornanni ingerlatitsinernut pingaaruteqartut allassimaffiat, aammalu suliffissuarmi immikkoortortat sorliit pigisanik tigussaangitsunik taakkuninnga inatsisitigut piginnittuunersut allallugu.

3) Pigisat tigussaangitsut pillugit suleqatigiit imminnut attuumassuteqartut akornanni isumaqatigiissutit annertuut allassimaffiat, ilanngullugit pingaarnerit CCA-mi isumaqatigiissutit (*Cost Contribution Arrangements*), ilisimatusarnermik ineriartortitsinermillu sullissinissamut isumaqatigiissutit kiisalu pisinnaatitsissutinut aamma royaltynut isumaqatigiissutit.

4) Suliffissuup ilisimatusarnermik ineriartortitsinermillu ingerlataannut kiisalu pigisanut tigussaangitsunut tunngatillugu nuussinernut akinik aalajangersaasarnermut politikkiinut pingaarnernut ataatsimut isigalugu nassuiaatit.

5) Ukiup isertitaqarfiusup ingerlanerani pigisanut tigussaangitsunut pisinnaatitaaffinnik suleqatigiit imminnut attuumassuteqartut akornanni nuussinernut annertuunut tamaginnut ataatsimut isigalugu nassuiaat, immikkoortortat aamma nunat sorliit nuussinerni akuunersut, kiisalu tamatumunnga atatillugu akiliinerit allallugit ilanngunneqassallutik.

Imm. 4. Suliffissuup aningaasaqarnikkut ingerlataannut tunngatillugu ataatsimoortumik uppernarsaat makkuninnga imaqassaaq:

1) Suliffissuaq qanoq aningaasalersorneqarnersooq ataatsimut isigalugu nassuiaat, ilanngullugu taarsigassarsititsisunut arlaannaannulluunniit attuumassuteqanngitsunut aningaasalersuinikkut aaqqissuussinerit qitiunerpaat nassuiarneqarnerat.

2) Suleqatigiit imminnut attuumassuteqartut tamarmik, suliffissuarmut tunngatillugu qitiusumi aningaasalersuinerimut atuuffeqartut, kinaassusaat, ilanngullugu nunat immikkoortortat taakkua aaqqissuussaannerminni najugaat, kiisalu sumiiffik immikkoortortat aqunneqarfiat, allallugit.

3) Suleqatigiit imminnut attuumassuteqartut akornanni aningaasaqarnikkut aaqqissuussinernut tunngatillugu, suliffissuup nuussinernut akigititanik aalajangersaasarnermut politikkiinik ataatsimut isigalugu nassuiaaneq.

Imm. 5. Suliffissuup naatsorsuutitigut akileraarutitigullu inissisimanagera pillugu ataatsimoortumik uppernarsaat makkuninnga imaqassaaq:

1) Ukiumut suliffissuup naatsorsuutai patajaallisakkat, taakkua naatsorsuutinik saqqummiinissamut, suliffiup iluani aqutsinermut, akileraarutinik naatsorsuinerimut atugassatut suliarineqarsimappata imaluunniit allamut atatillugu suliarineqarsimappata.

2) Suliffissuup APA-nut (*Advanced Pricing Agreement*) aalajangersimasunut tunngasunut, akileraarnerimut isumaqatigiissutaannut aalajangiinernullu atuuttunut, nunat akornanni isertitat agguarsimanagerat pillugu siunissami atuuttussanut allattuiffik aamma nassuiaat naatsoq.

§ 5. Akileraartussaataasooq pillugu nunamut tunngasooq uppernarsaat makkuninnga imaqassaaq:

- 1) Akileraartussaataitaasup aqutsinerata ilusiligaaneranut nassuiaat, najukkami aaqqissuussaannermut diagram aammalu ataasiakkaanut najukkami aqutsisut nalunaarusiorfigisartagaannut nassuiaat, kiisalu nunat sorliit ataasiakkaat taakkua nalinginnaasumik allaffeqarfimminni najugarineraat allallugu.
- 2) Suliffeqarfiup aammalu ingerlatsinermut periusissiap akileraartussaataitaasumit malersorneqartup sukumiisumik nassuiaataat, kiisalu akileraartussaataitaasoq ukiumi isertitaqarfiusumi kiisalu ukioq isertitaqarfiusoq atuuttoq sioqqullugu aaqqissuussaanerup allanngortiterneqarnerani imaluunniit pigisanik tigussaannngitsunik nuussinermi akuusimanersoq imaluunniit sunnerneqarsimanersoq allallugu, aammalu akileraartussaataitaasumut qanoq sunniinersut imaluunniit sunniisimanersut nassuiarlugu.
- 3) Akileraartussaataitaasup unammillertai pingaarnertit allallugit.

Imm. 2. Nunamut tunngasumi uppersaammi ingerlatitsinerit nakkutigisaasut, akileraartussaataitaasup akuuffigisaasa suussusaanni tamaginni makkuninnga paasissutissiisoqassaaq:

- 1) Ingerlatitsinerit nakkutigisaasunut nassuiaat (assersuutigalugu pisiniarneq, tunisassiorneq, tuniniaaneq, pilersuineq imaluunniit sullinneqarneq, taarsigassarsiat, qularnaveeqqusiinerit, pigisanik tigussaannngitsunik pisineq tunisinerlu, royaltynik akiliineq il.il.) kiisalu ingerlatitsinerit nakkutigisaasut ingerlanneqarsimaneranni ataqatigiinnernut nassuiaat.
- 2) Ingerlatitsinerit nakkutigisaasut akileraartussaataitaasup akuuffigisimasaasa suussusaanni tamaginni ataatsimut katillugu iluminni akiliinerit aningaasartai allallugit (assersuutigalugu tunisassianut, sullissinerit, royaltynut, ernianut il.il. akiliinerit), akileraartarnermi inatsiseqarfiusuni akiliinerit ingerlanneqarfigisaannut immikkoortiterlugit.
- 3) Suleqatigiit imminnut attuumassuteqartut, akileraartussaataitaasoq peqatigalugu ingerlatitsinerit nakkutigisaasuni tamaginni immikkut akuusut kikkuunerat, kiisalu suleqatinut taakkununnga tamanut immikkut atassuteqarneq naatsumik nassuiarlugu.
- 4) Isumaqatigiissutit nakkutigisaasut pingaaruteqartut, akileraartussaataitaasup ilaaffigisaasa tamarmik assilinerat.
- 5) Akileraartussaataitaasumik kiisalu suleqatigiinnik imminnut atasunut attuumassuteqartunut ingerlatitsinerit nakkutigisaasut immikkoortuinut tamaginnut tunngatillugu sukumiisumik sanilliussilluni misissueqqissaarneq aamma atuuffinnut misissueqqissaarneq, ilanngullugu ukiunut siusinnerusumiittunut tunngatillugu allannguutinut tamaginnut nassuiaat.
- 6) Ingerlatitsinerit suussusaannut tamaginnut tunngatillugu nuussinernut akinik aalajangersaanermi periaatsip naleqqunnerpaap allanneqarnera aammalu periaatsimik toqqaanermut tunngavilersuut.
- 7) Nuussinernut akigititanik aalajangersaanermut periaatsimut tunngatillugu naleqquppat, nuussinermi peqataasut arlaat misileraavigneqartussatut toqqaarneqarsimanersoq paasissutissiissutigineqassaaq, aammalu toqqaaneq tunngavilersorneqassaaq.
- 8) Nuussinernut akigititanik aalajangersaanermut periaatsip atorneqarnerani tunngavigisat ilimagisallu tunngavigineqartut nassuiarneqarnerat.
- 9) Ukiunut arlalinnut misissueqqissaarnermik suliaqartoqarsimappat, taamatut aallaaveqarneq tunngavilersorneqassaaq.

10) Ingerlatitsinerit (suliffiup iluani aamma avataani) sanilliunneqarsinnaasut toqqakkat allassimaffiat aammalu nassuiaatitaat kiisalu suliffeqarfinnut arlaannaannulluunniit attuumassuteqanngitsunut nuussinernut akigititanik aalajangersaanermut misissueqqissaarnermi atorneqartunut aningaasaqarnikkut toqqammaviusut pillugit paasissutissat, ilanngullugit toqqaaniarnerup ingerlaneranut aammalu paasissutissanut atorneqartunut najoqqutarisanut nassuiaat.

11) Sanilliukkuminassusaannut iluarsiierneruinnartunut aammalu misileraavigineqartumi paasisani, ingerlatsinerni sanilliunneqarsinnaasuni imaluunniit taakkunani tamaginni iluarsiiisoqarsimanersoq, nassuiaat.

12) Ingerlatitsinerit attuumassuteqartut, nuussinernut akigititanik aalajangersaanermut periaatsip toqqarneqartup atorneqarneratigut naalackersuinermit attuumassuteqanngitsumik aalajangiinissamut tunngaviusumut naapertuuttumik akeqartinneqartut, sooq inerniliisoqarsinnaaneranut nassuiaat.

13) Aningaasaqarnermit paasissutissat/naatsorsuutini paasissutissat nuussinernut akigititanik aalajangersaanermut periaatsip atorneqarnerani atorneqartut allallugit takussutissiaq.

14) Ataasiakkaani, marluk akornanni aammalu tamat akornanni APA-t atuuttut kiisalu akileraartarnermit isumaqatigiissutit aalajangiinerillu allat siunissamut atuuttussat akileraartussaataasup suleqataaffiginngisaasa, kisianni ingerlatitsinernut nakkutigisaasunut tunngatillugu attuumassuteqartut, assilinerat.

Imm. 3. Nunamut tunngasumi uppersaammi aningaasaqarnermit, aningaasalersuinermit naatsorsuutinullu paasissutissat pillugit najoqqutassat makkua ilanngunneqassapput:

1) Ukiumut isertitaqarfiusumut akileraartussaataasumut ukiumoortumik naatsorsuutinik kukkunerisugaasunik peqarpat, taakkua ilanngunneqassapput, taamaangippallu naatsorsuutit kukkunerisugaanngitsut tamatumunnga taarsiullugu ilanngunneqassapput.

2) Paasissutissat aamma atugassiinermit immersugassaq, naatsorsuutini paasissutissat nuussinernut akigititanik aalajangersaanermut periaatsimi atorneqartut qanoq akileraartussaataasumut ukiumoortumik naatsorsuutit qanoq naligiissarneqarsinnaanersut takutitsisut.

3) Takussutissiat aamma immersukkat, ingerlatitsinernut arlaannaannulluunniit attuumassuteqanngitsunut, nuussinernut akigititanik aalajangersaanermut misissueqqissaarnermi atorneqartunut sanilliunneqarsinnaasunut aningaasaqarnermit, aningaasalersuinermit aamma/imaluunniit naatsorsuutinut paasissutissanik attuumassuteqartunik takutitsisut, kiisalu paasissutissanut taakkununnga najoqqutarisat allallugit.

§ 6. Akileraartarnermit ingerlatsivik akileraarutininik misissuinerup ingerlanerani paasissutissanik najoqqutassanillu annertunerusunik piumasinnaavoq, ilanngullugu najoqqutassanik tapertaasussanik suliaqartoqassasoq. Paasissutissat najoqqutassallu, naalackersuinermit attuumassuteqanngitsumik nalilersuinermit naleqquttutut isigineqartariaqartut, piumaneqarsinnaapput, ilanngullugit nassuiaanernut §§ 4-imi aamma 5-imi taaneqartunik itisiliinerit misissuinerillu, misissueqqissaarnerit il.il. § 2, imm. 3, taamaaqataanik atuutissaaq.

§ 7. Akileraartarnermut ingerlatsiviup akileraartussaataitaasoq ingerlatitsinernut nakkutigisaasunut ataatsimut arlalinnulluunniit qarasaasiami paasissutissaasivimmut misissuineramik suliaqarnissaanik qinnuigisinnaavaa. Qarasaasiami paasissutissaasivimmut misissuineramik suliaqarnissaq pillugu qinnuiginninneq taamaallaat akileraarutininik misissuinerup nalaani saqqummiunneqarsinnaavoq.

Imm. 2. Qarasaasiami paasissutissaasivimmut misissuineq paasineqassaaq tassaasoq sanilliussinermut tunngaviusut malillugit ujaasineq, akigititanik aalajangersaanermut kiisalu ingerlatitsinernut nakkutigisaasunut akigititanik aalajangersaanerup naalackersuineranut attuumassuteqanngitsumik atugassaqartitsilluni pisimanersoq nalilersuineranut atugassatut atorneqarsinnaasoq. Ujaasineq qarasaasiakkut paasissutissaasivinni tamanit pissarsiarineqarsinnaasuni pissaaq, ilanngullugu akiliilluni pisinnaalluni.

Imm. 3. Qarasaasiami paasissutissaasivimmut misissuineq makkuninnga imaqaassaaq:

- 1) Ingerlatitsinernik, misilerarneqartunik aammalu akigititanik aalajangersaanermut periaatsimik atorneqartumik suussusersiineq.
- 2) Toqqaaniarnerup ingerlaneranut nassuiaat, ilanngullugu toqqaaniassamut annertussutsinut pitsaassutsinullu tunngavissarititaasunut tunngavilersuutit.
- 3) Iluarsiinernik akuttoqatigiissitsinernillu atuineranut nassuiaatit.
- 4) Qarasaasiami paasissutissaasivinnit uppernarsaatinut najoqqutassat aammalu allatigut paasissutissanik atuineq.

Imm. 4. Akileraartarnermut ingerlatsiviup qarasaasiami paasissutissaasivimmut misissuineramik suliaqarnissamut akileraartussaataitaasoq ullut 60-it aamma 90-it akornanni piffissalissavaa.


§ 8. Nalunaarut ulloq 1. januar 2021 atuutilerpoq.

Imm. 2. Nalunaarut nakkutigisaasumik ingerlatitsinernut, ukiumi isertitaqarfiusumi ulloq 1. januar 2021 kingusinnerusumiluunniit aallartittumi, suliarineqartunut atuuppoq.

Namminersorlutik Oqartussat ulloq 25. november 2020


Vittus Qujaukitsog

/


Nikolai S. Christensen